



Tuhaqtaitauyughaq

Nunavut Havakniaqtuq Uplumiutauyunik Aihimavikhafttunik Kaffiuyaaghaita Naunaiyainirnik

IQALUIT, Nunavut (Fipyuali 10, 2014) – Pingahuni nunallaani, uplumiutauyunik aihiamvikhafttunik kaffiuyaaghaita naunaiyanirnik havaktauliqtuq Nunavut Kavamatkunnit Havakvianit Qatan'ngutiliqiyitkunnit. Kaffiuyaaghaita naunaiyarniq aullaqtiliqtuq uplumi Kangiqliniqmi inirnraqtuqlu Fipyuali 12, 2014.

Kaffiuyaaghaita naunaiyarniqpiat aihimavikhaftpiaqtuni (inungni ilagiiktunilu iglughaitpiaqtut) havaktauliqtut Iqalingni, Fipyuali 17-19, Iqaluktuuttiamilu, Fipyuali 24-26. Kaffiuyaaghaita naunaiyarniq ilaqaqtuq hiamitiqttaghaungittuni ilitarnaittunilu qauyiharnirnik inungni piyut hulitjutighani, imaaqiaq niriaqtuqvikni niqitaqviknilu, taapkuallu nayuqtut nayuqvighani igluqangittunun, tamayaqarvini, tupini aallanilu igluqpauyuni piliuqtauhimangittuq nayuraaqpaktauyugaunikkut inungnin. Qauyiharniit havaktauliqtullu hivayautikkut aallani nunallaani.

“Ilihimayugut aihimavikhainniq quvianaittuq ihumaginiq, titiraqhimayaghavullut qanuqtut piqpiarninga aihimavighainnirnik taimaatut ilautihimalugit nipiit taapkuat inmiknun hulaqutiqpiarhimayuq,” uqaqtuq Jeannie Ugyuk, Minista Qatan'ngutiliqiyitkunni.
“Nakuutqiyat maligaghat pinahuarutighallu pitjutiqaqtut ihuaqtuni ilitturipkaitjutinin, kangirhimanirninlu ihuanginnirmi tautungnirninganin nunallaanin.”

Qauyiharniq ilaqaqtuq uqaqagitgiknirnik nunallaani paannariyauyunin havagutigivaktait inuit aihimavikhafttut tamaani Nunavunmi, taapkunanilu hulitjutigivaktait aihimavikhafttut aullaqvigiyualluaqtauvaktut nunallaat, ilauyuq Yellowknife.

Inirutit aihimavikhafttuni kaffiuyaaghaita naunaiyainirniup uqaqatigiigutainnilu niuriuqtauyut April 2014.

###

Uqaqatigivikhaq:

Andres Ibanez

Tuhaumapkainikkut Ayuittuq

Havakvia Qatan'ngutiliqiyitkut

867-975-7821

aibanez@gov.nu.ca

ᓇᓱᐊᕗᑦ ዘመᓂ ላጀጀ መጀጀ
News releases are available in Inuktitut, English, Inuinnaqtun and French on www.gov.nu.ca.

Tuhaqttaghat ittuq Inuktitut, Qablunaatitut, Inuinnaqtun Uiviiititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.